



中国国家图书馆  
NATIONAL LIBRARY OF CHINA

人生天地玄黃內 家住山川紫翠間

柳枝瘦為東風惡 菜葉肥因秋雨頻

兩三日行糧百錢杖掛囊無一

五七言絕句千首詩成字不多

雪天增絮渾身暖 冰月調箏一指寒

陸游我愛獨能放 米芾人稱五更狂

小洞落花紅滿地 大堤飛絮白漫天

窓列西東晚臨西日朝東日

戶通南北夏入南風冬北風



中国国家图书馆  
NATIONAL LIBRARY OF CHINA

主人愛博筵偏盛 客子痰多酒敢辭  
白鹿啣花來洞府 玄猿獻果出園林  
鳥雀爭喧難計數 鴛鴦驚散復成雙  
心閒量濶欺醇酒 面熱情濃愛艷詞  
梅心戀臘難融雪 柳眼窺春只見煙  
湖心飛鳥那能到 洞口啼猿不忍聞  
德操冰鑑能知龍卧隆中  
伯樂天機拔得驥空冀北  
農誇黃犢春耕健 人與白鷗晚對閒

手指鏗鏗彈綠綺 淚珠點點濕青衫  
耳聽銅壺夜滴蓮花水

手持竹杖朝攀桂樹巖

論文猶出清談上 閱世惟宜冷笑間  
魚書沉滯三江遠 蝸字縱橫四壁多  
浴日長江千萬里 凌空高塔十三層  
華牘有朋懷往日 瘦丕深自醉流霞  
宦踪向逐風蓬轉 道伴新來霜葉稀  
景物將來填畫卷 風光收拾入詩筒



恐以過憂催暮景 因而行樂副韶華  
邀客乘風清暑會 扶童步月廣寒遊  
及徑猿難度 迴巖鳥亦愁  
草履雖穿仍裹足 麻條已斷尚周身  
世輕白袷珍烏帽 我愛清罇泛綠蒲  
月照山泉汲泉解渴瓢浮月  
雲迷石徑遶徑徐行杖撥雲  
山頭日落農將返 渡口潮生客罷喧  
身潛蓬葦戶 手劈石榴房

頽垣多鼠穴 廢井滿蛛絲  
波深梵海超而過 揖久迷方曷以知  
名園得雨天晴好 古塚悲風日暮多  
古聖先賢畫壁分明存氣象  
忠臣義士神堂彷彿見英靈  
上壽八千春得真原是餐霞子  
中秋十五夜望遠寧無拜月人  
門前客去留題鳳 船上人來食有魚  
利鎖難開空嗟浴鳥身非比



名韉久絆不待聞猿淚已垂

霜露凋殘藏鳥葉 風雷燒折蟄龍枝

牧豕青山口 販魚古渡頭

題柱已無當日志 棄繻不復少年狂

雲埋鷲嶺難尋寺 水沒魚磯不見洲

日暖風和柳條無力氣

雲收雨足花萼倍精神

火竈因風生暖焰 冰池映月亂寒光

綠煙灑渺連堤柳 紅雨繽紛滿路花

舒展惟難夜雨芭蕉心自結

困眠不起春風楊柳眼慵開

門前爆竹春聲早 窗外幽花曉色遲

風搖弱柳青無限 雪壓殘花冷不香

彈琴短榻舒幽思 吹笛高樓動遠音

松鼠松梢掛 菜虫菜裏亡

京闕五雲長北望 關山片月又西沉

亭柳亭亭籠客騎 曲江曲曲泛漁舟

春燕蝶飛採 夜珠龍抱眠



天上蟾光輝院宇 海邊蜃氣結樓臺

綠橘有情醒醉客 黃花無賴負詩人

田文愛客前無古 靖節辭官清至今

井堪稱作聖 谷可號為愚

逢人緊閉談天口 憶友空存縮地心

世道隆平唐虞不墮虞淵日

間闔禮讓齊魯皆成魯國風

耳根清淨老去深嫌賓從喧 春風庭院長倚戶

形影伶仃瘦來只恐嫦娥笑 夜月簾櫳不上鉤

貌才虛似人中傑 學術原非帝者師

娶妻莫恨無良媒 書中有女顏如玉

有名何必鑽頑石 路上行人口是碑

勤苦農夫驅牛耕種山前地

罷閒官吏縱鯉遨遊水底天

口底懸河高論真能驚四座

道傍作舍無成豈止只三年

無時再起丘中卧 壯歲曾為塞上行

殘生尚有丹心在 妙法寧容六耳聞

崢嶸禮樂足三千對衆滔滔曾對策  
越趨光陰將六十窮年兀兀尚窮經

左使彈奸太歲當頭曾動土

中傷罷職相公有腹不撐船

風捲楊花入硯池逃揚必歸於墨

雨滋紫竹穿桃徑惡紫為其奪朱

金馬抽身不侍曉土牛迴首又鞭春

海同懷抱無邊際路與相思孰短長

冰輪出海臨初夜金水翻湖正仲秋

杜甫工詩貧到老廉頗善飯似當年

選將無飛將用人不得人

隣縣書傳遠客到侵階草茂擬親除

雨來白蟻忙收陣日轉黃蜂已罷衙

聲清風比頌雲黑雨催詩

遘會風雲八字今生無此運

愆期雨雪三齊大熟是何年

得涼便棄驅風扇趁暖長臨曝日簷

電母雷公金索火光飛萬道



風師雨伯銀河水勢落三天

同誰酌酒清江岸 有客吹簫明月巖

匣藏綠綺龍唇古 架設銀箏鳳足齊

雨中着屐行來滑 花下開罇笑語香

眉間不解含鄉思 鬢上何曾染客塵

修篁暑雨還生笋 敗葉秋風尚戀枝

無行延如促 有才困亦亨

要作仙人一點塵心難得化

莫為兒女態兩行清淚不輕流

嘆衰偶爾窺青鏡 釋悶因之理素琴

近魯自然民俗厚 離燕頓覺世緣輕

即山暄著色 瀑水凍猶聲

地震轟雷飛電急 天將大雨暴雲興

水楊翻葉白 霜柿壓枝紅

農務時時增野興 客遊日日軫鄉情

水屋深藏四五楹 止容漁父訪

山居高出三千丈 不許世人攀

欲剖江魚生躍案 堪哀山鳥死離籠



奔走在官還路債 纏綿有客索書錢

草勁迎風疑是忠臣之墓

花嬌映日定為美妓之居

禮輕因鈔短 囊重為詩多

向晦每遊明月館 避炎多在白雲窩

山勢鉤頭曲 湖光鏡面平

柳堤忽復裊千枝 春色山豈惟鶯始見

梧井已先飄一葉 秋光不待鴈方知

嫩綠沿堤春淺垂楊淺

堆紅夾砌秋深落葉深

清心雅愛三江月 豪氣平吞萬壑雲

霜嚴秋老園林慘 雨足春嬌草木柔

星河欲沒霜天曉 日月雙懸秋暮時

對酒值初冬籬菊已殘猶可把

讀書當盛夏園花正茂幾曾窺

看不盡黃花何必傍人籬落

樂無窮綠水直尋出處源泉

有日涉三江想像預為三勝賦



何年登五嶽歸來定著五遊詩

歲久孤松古 秋高百草衰

螢火雖微分末照 蝸涎不滿有餘滋

藥苗青帶雪 荇葉綠浮波

林外黃鶯聲噤噤 月中白馬影翩翩

牛馬不多孳牧壯 鳧鷖無數往來頻

日映蹊樾紅簇簇 雲迷江樹黑離離

一樹高槐藏宿鳥 兩行衰柳送寒蟬

荷葉半黃蓮已老 梨花褪白葉纔生

朝慵櫛罷仍欹枕 夜病燈閒不照書

棗身棘刺中心赤 瓜腹彭亨外面光

交情有出壺觴外 得句多從杖屨間

始知搖轡求名客 輪與登床渴睡人

寢室尚然埋陷穽 仕途何怪有機關

神龍蟠古洞 山鬼嘯空林

缺墻恰有青山補 燥地欣逢綠水圍

層頭看罷無閒字 焦尾彈來有斷絃

仕者灰心多病日 詩人換骨最窮時



心擾膏梁終是瘦 身閒糠粃亦能肥  
斑管如飛詩袋破 清罇易竭酒囊寬  
爍爍彩霞籠日氣 淒清明月伴霜華  
曲木羣鴉驚自散 垂簾雙燕不能歸  
雲樹模糊甚 霜花零亂多  
何時平海寇 有日滅天驕  
絃管敲頻一春酒費知多少  
酒殺禮備半載人情有重輕  
知分祇須居一壑 無饑何必祿千鍾

風狂往日曾携妓 衰憊新年懶見人  
友朋戀戀青雲上 人物熙熙陸海中  
匹夫志奪三軍帥 百畝心輕萬戶侯  
年邁為因烏兔疾 春愁惟有燕鶯知  
若水胸襟能勇退 子山涕淚太傷情  
夢殺馬因落枕 漏盡未鳴鐘  
水雖涓滴能消渴 田極岩堯亦濟生  
佞倖笑談有劍 文才咳唾成珠  
為送行人踏柳亭前曾折柳



若拍薄官賣花擔上始看花  
使者遙臨眼觀短札欣飛白  
佳人獨立手把長條撼落紅  
樓頭曉色翻鴉色 樹杪秋聲應鴈聲  
春寒怯斗帳 夜氣逼紗厨  
樂水每嫌離沼遠 玩山最喜起樓高  
地爐煨煖酒 沙岸曬寒罾  
席設山亭勸飲淺盃隨客性  
居隣野寺題詩敗壁半僧名

微波風起蟾光碎 幽谷春和鳥韻嬌  
睡起開門分竹影 閒來掃徑破苔痕  
好山增樹翠 行潦帶沙渾  
林內多藏巧舌鳥 壁間時有叩頭蟲  
懶祭也知新曆改 燕飛又向舊巢歸  
閑愁掛在斜陽樹 別淚無殊帶雨花  
壽酒喜逢野客勸 拙詩羞被世人誇  
情劇不干風月事 愁深并負雨雲期  
主遊充守戶 人睡鼠窺燈



風光好處年光速 花事繁時人事忙  
客來落葉何曾掃 人靜殘花任意飛  
重門不鎖相思夢 閑館惟從自在遊  
人遙紅日近 客散白雲留  
風鐸無情欺夜枕 霜鐘有意伴秋砧  
下田水是高田水 近岫雲連遠岫雲  
倉餘穀麥雖稱富 家止圖書不是貧  
詩人處困詩偏盛 會友因衰赴會稀  
九日之前白衣預送醺人酒

百年以後青史將收名世文

看到好山行已倦 偶逢盤石坐相宜

星河似在重簷外 世界如藏一粒中

春容盈浦淑 暝色起林巒

檻前忽閃流螢火 室內輕飄睡鴨煙

廢詩戒酒緣心疾 辨字看花尚眼明

過嶺猿啼樹 退潮蚌閣崖

花醉東風人獨醒 蓮開北浦客同遊

老蟬樹上遺新殼 病鶴風前整舊翎



對局數盤客懼 應門五尺童癡  
畫鼓音收春宴罷 青山眉淡晚粧殘  
臨明鼓角嚴城動 長日琴書淨室閒  
連天禾黍占豐稔 滿地笙鏞慶太平  
倚檻花枝疑笑靨 盈樽菊酒破愁顏  
矮几風臨煙飛寶鼎連 還斷  
長江日照水掬瓊珠碎 又圓  
青燈興味人難共 黃卷生涯老不休  
煮茶煨栗支頤坐 閣筆停盃擁鼻吟

笠跡難蔽雨

裘敝不禁風

得失莫須悲塞馬

聰明不必察淵魚

一夜龍沙滿

何時狼望平

早樵霜滿鬢

夜釣露沾衣

獨省多愆一點真心羞面目

羣遊少禮千莖亂髮滿頭顛

晝夜不知烽燧警

春秋長是鼓旗閒

掃塔立見苔痕破

談座頻隨樹影移

雲長似把山連合

日短如行天一邊



夜寒偏劇山中館 朝霧難收水次村  
異音時有林間鳥 連影秋看雲外鴻  
移樹須存舊土 換梁恐壞新巢  
微風初振葉 殘雪尚封條  
舊歲已隨梅萼去 新春又向柳條迴  
水暖魚龍喜 花寒蜂蝶愁  
文勢似神鷹薄漢 詩才如駿馬超塵  
前月雪飛花不時 花勝錦  
昨朝風滾絮 今日絮沾泥

花香薰客座 苔色上人衣

菊綻黃花光閃閃 蒲生綠葉色離離

題柱才人乘馬 織機怨婦斂雙蛾

貪長柳絲搖嫩綠 將舒桃萼露微紅

水月每因魚躍碎 山花常被鳥啣來

海市千層塔 雲山九疊屏

何處長安惟見日 東洋大海又揚塵

兩人亦可稱詩社 片石真堪作釣磯

卦肆重逢前日卜 旗亭暫避少年狂



冷水善調潮熱藥 暖風也到歲寒枝  
懇切辭官秋風不是思鱸膾

辛勤出使冬雪堪憐縮馬蹄

冲舉秋空高野鶴 飛鳴暮樹集山禽

花深迷客徑 水長沒漁磯

捲簾試放楊花入 開甕頻將竹葉嘗

深喜青山迎舊主 廣栽綠樹待新隣

東歸得請微臣願 北顧難忘 聖主恩

庭竹雨餘增密葉 井梧霜後露踈枝

泠泠碧澗儲寒溜 靄靄丹崖逗煖煙

始知上殿尚書履 只敵長江漁父蓑

強賒隣舍清罇酒 緊閉田家白板扉

風送雨來增溽暑 雲催日落弄輕陰

秋高氣肅黃花瘦 春暖風柔綠葉齊

會友無期間愁高掛斜陽外

葬親有日積罪潛消苦海中

霜月竹梧搖夜思 雨花風絮闔春愁

厨無良劑醫茶癖 俸有餘錢作酒資



難留西日添愁况 欲倩東風浣俗情  
變集禪心能不動 文竒俗眼自相驚  
知名不必同君實 隱姓何須賦子虛  
對擇千聯其餘不足觀已  
字過二萬雖多亦奚以為  
對共一千六百二十聯擇其差可觀者不過千  
聯而已字雖二萬六千二百有竒惡足多哉末  
對平側不叶以其可終卷也姑存之耳  
中麓山人續對卷之下終

中麓續對後序

古人語言有成對者非心乎對也文意遇而自  
然成之考之易書詩傳皆然後世拘轂律分門  
類嚴偶仗駢四驪六抽黃對白而自然之文意  
漓矣予對已多更有續作似涉有心射招百人  
終有一中愚者千慮必有一得見者若取其中  
之自然而畧其多之強綴獲十一於千百是則  
予之至幸而亦作對之原意云

七月十二日中麓開先書



中国国家图书馆  
NATIONAL LIBRARY OF CHINA

今世人生七八歲出就小學先習對句然後講書作文所傳聲律發蒙總括對類羣書類句錦囊詩對春窓巧對皆為童子科設也予對雖稍古雅然不免為小學事癡翁生一子年纔三尺餘水缸中見一幼童不知叩其影也相詬而撲水滿面歸即泣訴與其翁公羽往視之缸中一翁垂白亦不知其影也怒指而數之曰衰老如此尚欲與少年爭氣耶予之為對殆亦有類乎此

次日中麓再書

拙續對成偶與二客同遊城西園客行稍後記誦二聯不得其全追予及之一客問曰君對有蝶拍鶯簧富貴山中相上四字得非對以螢燈蛙鼓耶予曰果若是則小學生矣又一客曰蒿里將高新馬鬣下二字得非對以牛眠耶予曰果若是則老學究矣對雖欲嚴然意活潑而字不拘束遠則對以近俗則對以雅緩聲則對以急響乍見若出言外徐察不踰目前斯則對之上者也惜予心知而力不逮耳囊携刻本出以

與之乃鰲竿魚網生涯河上公及萱堂拾得舊館  
熊丸二客嘆不絕聲稱不容口以為由此得作  
對之法矣實乃譽人太過媿予甚深相與坐園  
亭食野羹每讀一對必詳細品題忽復更深而  
客熟睡因大書於壁間云校對千聯猶未畢挑  
燈二客不能從次日指示之乃深揖而各大笑  
去

望日中麓再書

麓翁尊師對成三冊誓不復作矣求者亦不之

應或自用之只揀取三冊中合題者愚生久在  
門墻自恨猶隔鄉縣每讀對冊不殊對面以為  
歸田後所作盡於是矣及遍遊園囿歷覽亭臺  
尚有遺而未錄者如書院坊牌題柱云琴韻有  
同竹韻書香迥異花香泉響遙從城堞墮芹香  
近自泮池聞江湖廊廟情無改城郭山林興自  
饒吾如菴云蔬足供馬自當為老圃學猶植也  
何必不窺園息機亭云何須擾擾百年內且遂  
閑閑十畝間無興驅車由宦輒有閒啟戶看郎



山其田平宜淺種室小可深藏一聯則深藏斗室所懸門扁一則業有專攻存乎其地學無止法存乎其人一則居逼高墉眼空非不月門臨關帝心靜自無塵而得山樓三聯尤中冑蔡云抱甕常澆圃開門即得山凌晨山擁座入夜月當樓汲水堪為樂看山不憚煩謹書而存之雖游夏不能贊一辭然可備典記室者之一缺云

萊蕪門人开蛟跋

自慎幼備弟子員每試幸不落人後不幸屈抑

被黜又幸而又侍麓翁講席得其對法獨深有一句分作二者有二句合為一者有不對而對者有對而似不對者變化無方窮通莫測大約嚴整而不犇強簡切而多意味其尤長也自以一事而累千百言誓不復為之矣適莘邑田同年之子以善字而持與川葛尚書書至堂室亭樓對扁悉備無可書者愛其字重其來乃破戒更作春對十五聯又為王小村新居一聯愚因私記之又請命續刻之顆珠片玉豈可散而不收哉

景物逢春麗管絃入夜清彩毫可賦宜春令花轆轤  
堪為選勝遊對客羞開名利口逢元且慶太平  
身賞花不用移春檻改歲俄聞報曉鍾晚景何  
人風愈遠長春不老日偏遲讀書暖坐烏皮几  
玩物晴驅白鹿車身外閒愁林下少眼前春意  
柳邊多春淺凍雲猶擁戶臘殘旭日已盈窓古  
時取次看新曆辭臘仍須暖舊醅喜得近隣供  
臘酒為留遠客簇春盤北陸回光日永詩書堪  
會友東風應律冰融筆硯可相親行樂乘春久

歷一元甲子追思往日曾叨三考京鄉野性踈  
狂賀節迎賓懶束帶宦情冷淡得時知友不通  
書人世百年幾度春山間日月閒中積京畿千  
里無多路天上風雲望外賒以上俱春對而卜  
居離北墅築圃倚東城則其所贈小村者云

商河門人張自慎跋

壬戌仲春既望予以石州判解官抵家中麓李  
子首來相唁問其別後詩文詞曲諸作應以稍  
減於前時又問對亦作否從者在旁袖出三冊



置之几上二冊予所素見其續對則皆新製者  
是外宜無遺矣况牙張兩門客亦已云然及荅  
拜同村王雲峯見其門壁春對一聯云五柳新  
條臨日治一椿老榦拂雲峯繼拜王小村園亭  
一聯更切當種藥盈園惟願世間人勿藥栽花  
夾徑常携方外客看花蓋小村善醫藥好賓客  
云耳張龍岡母太淑人念又八日發喪予往吊祭  
又見十餘對中間有二聯遣祭臨喪承駿命飭  
工治葬荷鴻恩名滿寰中傳懿範神遊海外渡

慈航雖草草一日自度似出中麓手問之果是  
則夫雲峯壁小村亭其為中麓不問可知追思  
在任辛勤徃返差委久滯邊關今得閑暇再追  
陪相知遊歷名園縱觀文筆因而致此數語載  
之冊末竊喜蠅附驥尾觀者幸勿以為蟬噪樹  
頭云

同邑西墅逸希閔跋

予也久遠麓翁近始東遊謁會檢閱書畫之餘  
可否詩詞之暇以新構樓堂等命作對扁大小

字耳城樓築樓城有耳旋戶水無心面山堂曉  
望天連山一色晚來日與月雙懸十里路非遙  
面南排闥山如畫百年邦有道口北無塵海不  
波汲水堂水勤保得花無恙日夕纔知栢有情  
誥勅樓舊已有對今再一聯云誥勅得逢時手  
捧天書霑雨露班行思往日足穿雲履躡星辰  
引伸堂爲堂聊以新其業治第因乎舊所居況  
愛衆而親仁心乎愛矣吾葆衆能引伸而觸類  
引而伸之乃肯堂水上煙火名赤壁鏖兵甲葉

紛紛霜葉落煙花滾滾浪花高散對才拙宜乎  
人不以命窮乃爾我何之心定情閑獨行坐卧  
三皆可勸衰力倦出仕奔忙百不宜書畢因戲  
問之曰用予之書獨不能掛予之名邪遂詳述  
十一對畧致三兩言用效前諸君之跋云復問  
傳對多以爲出自翁者然否三箇半鍾鍾半酒  
一盤雙陸陸雙梁小旗十五五十人後覺效前  
賢寫右軍書親左傳南人唱北曲飲東陽酒喫  
西瓜和尚和尚書詩因詩言寺少監少監事債



爲債責人又有戲對鑽過頭不顧肚子張開口館  
錯了牙關判官頭鞍子金剛腿瓮兒老手簪脰  
膊窮嘴餓舌頭麻面鬚腮羊肚石倒栽蒲草撒  
唇歪嘴海螺歪斜嵌珍珠麤眉大眼猪毛繩橫  
綴鈴璫遊客經商車輛交馳三义口舉人進士  
坊牌填滿四隅頭有鐵匠彈花匠子各中舉者  
打鐵爐鳴紫焰光中三尺電彈綿弓響白雲堆  
裏一聲雷人有子名希賢者八字中值有四寅  
其父出以產聖二龍統室即對以希賢四虎排  
衙三冊所不載何也麓翁笑曰止有數對乃一  
時從俗漫應俗不可登冊餘皆非也世之劣詞  
拙棋勢假名鄙人者不可勝數如解學士詩本  
不高至於里巷所傳則又風斯下矣安能一一  
爲之別白哉

錢塘青門沈仕跋

中麓翁久欲不作對語然有必不可免者如遇  
新歲月禧新亭臺及有事者懇請難於但已不  
可嚴拒時或作而應之予以外方遊人叨從賓

從之未別來無幾即有對二十五聯因而記之  
願附賤名於其後對不朽名亦不朽矣嘉靖四  
十三年春帖歲臨甲子重頒朔日正庚寅又拜  
年道德五千言要言惟守一春秋六十歲今歲  
又加三四十四年春帖玉律重臨丑斗樞又建  
寅傲雪欺霜六十春秋還有四批風抹月三千  
詩曲亦徒多雲栢亭不效浮雲多變態願同蒼  
栢保貞心聚斯堂為呂觀之作河北人煙為著  
姓關西祖籍有高名為胡遵華乃尊發喪作

旬有四人生少二十猶餘孫子多歿後葬惟遵  
禮制生前性不喜浮屠為馬惟則母金氏發喪  
作慈母生前能教子善人歿後必為神東土忽  
亡金積善西天相伴馬如來靈輿指日離南冶  
高塚埋雲卧北山禮有三千葬禮無遺誠在我  
年登八十壽年積德總由人歸寂神遊極樂國  
生存人羨善持家地底生雲忽有魚軒來並逐  
斗間望氣繼飛龍劍復相逢為謝子如上舍發  
喪作太學身遊為國士章城首讓治家人傷心



世事嗟身後變態人情只目前襄事隨時喪具館  
無他惟雪柳葬期逼歲思親有淚洒冰花

鳳陽八十二歲老人虞得琴跋家

業師中麓自言不復作對句矣幾一年果然無  
之至丙寅則有春帖閱歷星霜六十五年成底  
事居諸日月百千萬計不如閒血氣初成前次  
丙寅時尚幼精神轉健再過乙丑可稱翁六十  
年前正德改元初記事百千世後大明推孰善  
為文生日亦有作奔走紅塵薄宦羞漸遊宦日

樓逢綠野餘生慶幸賀生辰酒啜糟醅通國之  
中人盡醉門懸弧矢仲秋之後我初降嚴謹渾  
成且有無窮意味士林稱其凡一出語自是過  
人非溢美也有外科良醫洪石塘索對甚懇率  
然答之其精妙亦猶之前五對也上藥坐收捐  
重價外科立效出奇方世醫徽郡原攻外妙劑  
石塘善酌中嘗聞之人師自少年應對如響有  
一老儒拜鳳教授十餘童子師之尊翁過其讀  
書處時則三月雨後出一對云麥收三月雨諸



童子無能對者翁乃呼師至年纔十一二應聲  
一連十對松吼四時風柳帶早春煙竹爆一聲  
雷花落五更風菊傲九秋霜花燦一朝霞科發  
少年人槐覆滿庭雲芽發仲春雷暮撒一天星  
座客無不驚羨幼即以對名里中宜其長而以  
對名天下幼而對即能多宜其長而益多老而  
多多益善也

同邑門生田江跋

予家正堂原三間乃增而脩焉與客優而游焉

前臨四隅頭後接鐘鼓樓向麓翁索對得遂其  
求從而紀之以著其由云增飾華堂鄉隣同仰  
羨綿延福澤家世永相傳晨興晚寐居近譙樓  
鐘鼓喧闐俱有節日新月盛門臨鬧市冠裳來  
徃自無窮

同邑鶴泉高明跋

高地山思周以光祿寺署正陞大同府通判致  
仕座所逼近繡江有田可耕有水可釣因名其  
堂為耕漁詣中麓翁索對語以表其所事中麓

翁遂以兩聯應之而命予書之懸於堂之左右且從而跋之附於冊之末後云拽犁黃犢健躍網白魚肥相隨漁父田夫耕釣繡江雨後曾作寺僚府佐遨遊光祿雲中

臨清門生雲江朱懋脩跋

麓師於對作之不可窮而跋之者自是不容已予非能跋者以得與名為榮遂不揣庸劣亦為數言強綴於其後且以存其新作而不至遺亡云其內弟王任年方十四五以麓師尊分因其

存遺對以存賤名宦遊惟尉小佐政得民多家聲南國春風遠縣政東方旭日長履任雖云時尚淺施仁從此歲同深此其應張者而王對則極悽惋真誠隣杵悲無相家書讀有人一疾今春捐館舍僉謀不日墓郊原家主病而因隕没路人聞者亦傷悲遊後公評可惜一鄉善士病沉自嘆安能兩世為人行已無虧道旁莫掩鄉人口在生有命川上難留遊者身手筆猶存詞人歿後閒詞會口碑不泯義士生前仗義名不

起之辰七十高年還有五在生之日三千大界  
更無多兩世為人則其病沉自嘆瘖止存皮衰  
難復肉若再得愈則兩世為人矣對乃道其實  
也

齊東近齋徐慎獨跋

予生也晚猶得與中麓同時予生也幸又得與  
中麓同鄉平日慕而會之有數及其內弟王任  
從予讀書會則不可數計矣不惟父接其談吐  
兼且多讀其詩文至於對句則以為所刻行者

移居有百五十餘人備禮兼詩文稱賀麓師代  
作一對書諸前席之外大門之中穉子何能當  
盛禮嘉賓不棄感高情夾谷孫主政被誣收獄  
父方得釋奄忽云亡生平有過方之病好勇之  
名於其壘也以三對畀之見者咸服其的當志  
在三邊曾中惟好武封高數尺身後却修文自  
恨生前蒙不韙誰憐地下有知音使氣過剛六  
旬不改生成性鋤強抑弱兩地猶存猛政名

同邑門生王烈跋



內姊文中麓公因隔縣正旦生辰兩次拜賀之  
外鮮登其門雖是領教不多而所得則已多矣  
曾讀其對冊以為凡有作者盡於是矣乃今知  
其尚有遺也逼歲竒泉張縣尉索春聯信口應  
之托朱雲江信手書之予乃默記而歸踰歲為  
處士王雲峯發喪共七聯亦是信口應之雲江  
信手書之予復如前默記而歸有友人托印對  
冊者覽竟并無所記者料遺忘尚多不止應張  
王者耳宗廟以有事為榮佳刻以有名為幸因

盡矣因弔戶部劉正郎見其滿壁皆中麓新對  
而弔少菴手書也遂以五言七言九字十一字  
自少而多錄而續於其後在君為續對在予為  
續跋不獨存其對予亦因跋而存其名五言云  
終身惟五品束髮即多才人生今已矣君歿竟  
何之行李無餘物停喪祇敝廬數歲承家學一  
官止部郎七言云篋中書冊無人讀几上衣冠  
見若哀淚洒楊朱空有恨魂歸桑梓不無依隣  
壁偷光存舊隙涵奎置筆有遺踪百歲光陰如

過客四時祭祀屬何人九字云往事微茫回首  
今成古新愁鬱結傷心夏自春十一字云三載  
為郎病況永別尚書省四方帛客感德紛臨長  
者居似寄人生漠漠浮雲還自散堪憐客死泊  
泊逝水幾時迴郎署俸貲數兩荒銀管素蓋官  
銜仕號一行粉字寫丹旌家主云亡中年韓內  
愁無已鄉人共惜前度劉郎去不來

同邑郭南李逢春跋

唐司空圖營生藏近世彭石屋置生棺予邑曹

萬出生殯西野袁翁瘡恙雖毒猶未至於傷生  
也即晚中麓為身後諸作是皆以彭殤委諸命  
不以生死動其心者也諸作各以類刻集中對  
則未有所屬也因為數語跋而存之共六對悉  
具於後云架上素書時自檢爐中丹藥煉將成  
善積身中方寸地詞窺詩外一重天待盡餘生  
還有日相交學友各衰年遊樂閒人中聲曾度  
三千曲太平逸叟上壽還過八十春刪改無遺  
百首舊詞翻刻本曬蒸有法十全新藥摠瘡科

洗硯揮毫終歲閉門為樂府吐珠噴錦片時開口亦名家

同邑郎山魏北跋

叔行中麓翁以關親數得從遊竊其文學緒餘尤於對句有默契焉遂紀其遺逸之作因得以與卑末之名生辰自壽云四海虛名徵文無奈從今衆一生實行慶壽咸稱倍古稀賀解元潘雲祥云身在丁年早巴山西發解首登甲第行將海內知名其愛女名招弟小字淑秀幼時見

者咸驚其貌稍長女伴悉資其長針指雖猶素人而識字能運筆彈碁兼撫琴有非他人之女可及者寡言少笑博記多能沉靜舒徐其舉止也紅白嬌艷其容色也古稱女美為娛淑秀蓋衆女中之尤美者已許聘亞卿謝少溪之子庭薰乃以十五歲夭傷時則嘉靖丙寅九月二日至六日葬於城之南杜萬戶庄之北距關廟一里許發喪日翁乃作對五聯書於停柩門之左右云慈航超度三千界膽部纔交十五春霜隕



嬌花貌風摧弱草軀倒杖周詳邑南已卜乘生館  
地穿針細巧牕下猶存舊女工玉藥無功幾朝  
鏡裏殘粧面金篦借力萬丈光中現法身無福家  
無緣空許大臣之子有容有德堪憐衆女之媿

同邑繡溪王枝跋

麓老雖小生妙文以其名位年齒俱高事之之  
禮一如尊長而教戒小生猶夫子弟九紀其對  
者皆得列其名小生曾代業師李郭南求兩對  
為其乃尊發引書諸喪榜之側聲名馳省下生

墓總城南月犯少微悲隱士日躔大火墓高賢  
士夫有被人戕一耳者又為讎家構害起大訟  
十年始得脫獄有如困翼得舒因出一征鴈衝  
雲堪縱目請對之妙文即應以鳴蟾泣露最關  
心蓋駱賓王在獄詠蟬詩有西陸蟬聲唱南冠  
客思深之句極為感愴復請兩句分對之一對  
以毒龍吐霧早抽身一對以劣馬嘶風偏聒耳  
譏其不善避讎及一耳不全聞者絕倒春谷潘  
少參導巖王大參八才子數中人也一卒年四



十四一卒年五十一有讀遵巖詩文甚愛之者  
書其集後曰遵巖王子非今士文偶見之亦即  
書曰春谷潘君久古人雖一舉筆不忘厚友於  
此亦可見云

齊東內弟王任跋

內兄中麓公於對句作之不息棄之可惜跋而  
存之自不容已予於對句雖無所識為文亦不  
能操筆只直書所見讀者慎勿相鄙則其為幸  
也大矣有來自京師者稱說八方財貨仍盈市

內兄即對以萬里梯航總一家黃孔村秀才由  
其母氏教育成人年今八十有餘乞一對書之  
堂前內兄即以母壽年過八十子成教本三遷  
應之庄田招致鄉人佃種欲散遣食口之費因  
為一對云與鄉隣乎分種田園遣僕免為多口  
累辭朝市而退居里社解官贏得一身閒慕容  
吳橘隱盛稱劉嵩陽第二子之才必作大魁元  
口占一句云中土文魁來秋有待劉黃鼎內兄  
應聲對以東方廣吏當日無如揖素菴素菴名



銳字抑之為吏清苦一錢不受居官亦復如之館  
鄉人迄今稱不絕口沈湖葉二守為其諸郎索  
書室一對乃以六對付之於事於地俱切實為  
字為意皆奇古讀書存手筆插架總牙籤青衿  
他日為卿相黃卷終朝對聖賢葛峰遠映藏書  
屋章水潛通洗硯池先進當從與其史也寧為  
野後生可畏焉知來者不如今詩題擁座吟興  
無窮又值山容獻秀書間堆床誦聲不輟堪于  
江溜同清兄弟藏修養鹿因名白鹿洞神仙聚

會驂鸞遂號綵鸞岡又為之作春對三聯專贈  
二守齊庭此際逢元日漢殿當年候早朝心馳  
江右三千里身在山東又一年宦况清閒復值  
舒長化日民情體悉有同嘘拂春風丁卯年自  
用春對十聯梅笑春風擊玉蘂竹搖晴雪撒瓊  
花喜逢元旦偏加暖可是殘冬早立春日高鷄  
黍權克飯春到鶯花解索詩元日元年又是堯  
年舜日長春長曆重逢帝曆正春陰氣伏而陽  
德亨陰陽順序卯木昌而丁火助木火通明憶

昔童年竹葉盃傳先到手只今老景椒花頌罷  
強開顏君聖臣賢天上風雲新慶會樵歌牧唱  
山中歲月舊生涯辭臘迎春天外斗牛光借日  
拜年慶節門前車馬爛盈雲晝長古刻堪觀一  
日一廻翻竹簡早起新書尚濕百年百度換桃  
符

同邑柳庄王應詔跋

王來賓者卑末與之連襟以不能文附托內兄  
佳對列名跋後矣乃亦記其五對賤名將不與

之同以乎謝雨一對正爾晴明十二壺天星月  
小忽然晦暗三千世界雨雲多為會長張州同  
發喪四對爐內紛敷香燼雪案邊歷亂紙錢風  
莎草坡前為墓次藤花溝上是村居聚氣藏風  
有賴蘆山北峙蒸雲滾雪無情瀑水東流社友  
凋零久虛把酒臨流會州民戀慕曾畫攀轅臥  
轍圖

同邑無號子盧應龍跋

中翁乃姨丈而愚則甥也甥固不敢輕易稱丈

而文亦無待錫稱特書其對因以竊附賤名而館  
傳世無已此生有幸云魏東臯發喪共七言五  
對封高中野將同墓村在東臯不復遊閃閃丹  
旌搖落日飄飄素蓋轉悲風壽過古稀還有六  
人當今世更無雙云亡正值春華發合葬俄驚  
晚菊殘命似餘光馳北陸人如末景落西山

同邑見齋王榷跋

庠士張進德字子及者性柔善而喜讀書雖深  
夜書聲琅琅不絕可惜年踰四十即作古人與

予共中麓同時進學予弘化善亦如其父中麓  
追舊有二對句賢郎同父性善士祇存名挾策  
同遊自在幼年相爾汝讀書不輟每于良夜聽  
伊吾徽州醫士黃萬山將還其鄉因索對華其  
行中麓贈之云攻疾喧傳醫國手登高難已望  
鄉心予遂背記之繼書之好名之心固云同衆  
好善之心則其尤切耳

同邑靜菴胡士榮跋

中翁伯父作對出天然之妙有神解之幾天下

自有公評固不待愚姪稱揚亦非愚姪所敢輕  
易稱揚者徃徃異姓因投謁而記其對因紀對  
而繫其名愚姪日侍左右顧不是若哉見其有  
時口占有時手書或有不登稿及不留稿者從  
而默識之續刻之是亦存伯父之唾珠而盡子  
弟之末職然好名之累終不能免也五福堂新  
買袁太守之居在東街上數仞墻高百歲安居  
膺五福四夷館邃一朝致政得三宜美麓雖多  
中麓獨優乎北麓華堂有二東堂稍次於南堂

多福德招求則得寡尤祿在不須干勤勞方享  
福聞蟋蟀響床前職思其外齟悔不要名見螭  
蛛伏簷下文在其中戊辰年對戊辰不異歲月  
如流前是嬰兒今漸老甲子無窮壺天自永因  
降姪女得長生濟寧江臯周庠士醫精而妙藥  
效而奇父號漁川亦庠士而精妙於醫奇效於  
藥者也家傳七世不獨自漁川而已然矣伯父  
因脾胃作梗眠食不甘至則數日而愈于其行  
贈之對三聯醫今傳七世學已積三餘術妙岐

黃濟郡遠聞海宇辯嚴朱陸江臯可繼漁川弘  
景醫精可是山中宰相林逋見遠其為水上漁  
翁江臯又為其婿吉雲龍父子索對雲龍父號  
亞泉樂善享福人也將判袂口誦一對授之雲  
龍矯矯不日飛騰豕器才真國器野鶴停停長  
年逸樂亞泉福比淵泉有以物我各適軒求題  
者酬之以在我欲其皆自得與人何所不能容  
檢舊牘得三十二歲所作冬詞感而賦之偶得  
冬詞時正中旬兼二歲忽臨晚景爭離七袞只

三春為西野袁鄉賓發喪作末疾經年鄉飲春  
冬足不赴好脩有日公評月旦首相推筆陣掃  
雄詞由今已矣曾中存善念到老猶然為梧桐  
王太守發喪作歸窆正三冬微微寒日西天落  
還鄉將十載拂拂清風南國傳生居縣後新街  
上墓在城西舊壠邊不日墓新阡暖藏土室雲  
千尺前年捐舊館冷射書牕月半輪魂魄威靈  
不惟祭祀來馨享神思恍忽自是羨塋若見聞  
卜墓佳城有幸南山北拱寄生大塊無情西水



東流為右川康太守發喪作旅次臥病已不祿  
友行莫訝久無書篤實存心交友能超形跡外  
笑談素行相知常在齒牙間

二姪春璣春田跋

予因病愈以二對志喜生逢本命喜者一紀年  
增醫有奇方立使三朝病減生逢本命壽增一  
紀此星命家通語也庚戌乃予之本命今年八  
月二十八日生辰適逢之予病雖甚頗恃此無  
恐况已交在好月令幸有李王二儒醫三朝三

藥病即減去十分之三四矣飯量無窮納波濤  
於海口醫方有效逃性命於針關當八九月之  
交脉漸微細予疾甚危不粒食者十餘日內人  
如泛長江而遭風浪猪羊之外無所不許兩醫  
心小如芥子粒參朮之外他藥俱不可加畢竟  
成功者參朮也而首功則生脉散耳中間擔干  
繫排誹謗用權術投藥忘勞苦查書其功德予  
者不小也今飯壯而體康客有問病中及病愈  
之狀者予乃應之曰病則塞悶愁苦不可當詞



有賞花時二句足盡之向陽臺路上高築起一  
堵雨雲牆愈則輕趨快樂不可言詞有寄生草  
二句亦足盡之朗吟飛過洞庭湖醉鞭悞入平  
康巷又譬之病則腹窄隘如蟬脫殼愈則腹空  
濶如龍藏洞此特言其虛大而已然能納能化  
波濤海口之險為尤切江臯已登途猶轉人寄  
聲云牛桂麓者乃第二婿少年庠士也讀書可  
望即成父號桐岡享安平之福負善良之名亦  
祈見惠一對大書而高揭之一以壯觀門庭一

以期登甲第予不經思遂口占面付來使云讀  
書映雪丹桂高攀桂麓必當少日舒幹凌雲青  
桐遠覆桐岡獨樂長春小姪跋語中遺此因附  
著之年來對除自用之外求者太多而刻之亦  
不少今將截斷衆流不欲以一事而失之太溺  
必不獲已再有一二之作雖優於前亦不復續  
於後矣





中国国家图书馆  
NATIONAL LIBRARY OF CHINA



中国国家图书馆  
NATIONAL LIBRARY OF CHINA